





# ՄՏԻՊՈՂԱԿԱՆ ՎԻՃԱԿ ՂԱՐԱԲԱՂԻ..

(Շար. Ա. Էջէն)

Թէ Ատրպէյճանէն եւ թէ ալ Հայաստանէն: Բայց, նախ անհրաժեշտ է որ շրջանը հանդարտի: Ինքնավար հանրապետութեան, ծրագիրը կրնայ սպառազանի իրադրութիւն:

Մոսկուայէն, օտար լրատու սպասարկութիւններու կողմէ հաղորդուած լուրերու համաձայն, 34 հայեր մեռած են Պաքուի մէջ միայն, իսկ տասնեակներով ուրիշներ եւս՝ Շահումեանի եւ Պանլարի շրջաններուն մէջ, որոնց մասին խորհրդային լրատու սպասարկութիւնները ոչինչ հաղորդեցին ցարդ: Համաձայն «Իզվեսթիա»-ի, իսկական մարտեր մղուած են հայերու եւ աղերիներու միջեւ Շահումեանի եւ Պանլարի մէջ: Զոհերու մասին տեղեկութիւն չկայ:

Խորհրդային ռատիոկայանը կը հաղորդէ թէ հայերու պարպումը սկսաւ Պաքուէն եւ Ատրպէյճանի միւս քաղաքներէն, որ հակա-հայ արարքները օրէ օր կը բազմապատկուին: Հայեր չեն համարձակիր օդանաւով ճամբորդել, որովհետեւ երկու հայեր նման փորձ մը կատարած են բայց սպաննուած Պաքուի օդակայանին մէջ:

Օտար լրատու սպասարկութիւններ Մոսկուայէն կը հաղորդեն թէ կեդրոնական կառավարութիւնը Լեռնային Ղարաբաղ եւ Ատրպէյճանի հայաշատ այլ շրջանները զբիւծ է բանակային ուժեր, բազկացած՝ ցամաքային, ծովային եւ Քա. Ժէ. Պէ. ի մասնաշատուկ զօրքերէ, շրջաններու մէջ հանդարտութիւնը պահպանելու համար: Ստիպողական վիճակը, որ հռչակուեցաւ Խորհրդային Միութեան դերազոյն խորհուրդի նախագահութեան կողմէ, շատ խիստ կերպով կը դործադրուի ամբողջ շրջանին մէջ:

Խ. Միութեան նախագահ Կորպուչով ոչ մէկ փոփոխութեան, ենթարկեց իր յայտագիրը՝ Կովկասի իրադարձութիւններուն կապակցութեամբ եւ երէկ կէսօրէ առաջ ընդունեց Ճափոնի Ժողովրդավար Ազատական կուսակցութեան պետ Շինթարօ Ապէն:

«Իզվեսթիա» իր առաջին էջին մէջ լայն տեղ յատկացուց հայերու եւ աղերիներու բախումներուն, իր յօդուածը խորազրեւով. «Վերջ տուէք վայրագութիւններու»: Թերթը կը քննադատէ տեղական իշխանութիւններու անկարողութիւնը՝ պահպանելու կարգապահութիւնը եւ կ'աւելցնէ որ թէ աղերիները եւ թէ ալ հայերը շատ դիւրութեամբ գէնք կը հայթայթեն իրարու հետ կռուելու համար: Թերթը կը հաստատէ թէ աղերիներ դարձեալ տնտեսական շրջափակումի ենթարկած են Հայաստանը եւ 333 շոգեկառքեր համախմբուած են Ատրպէյճան՝ Հայաստան անցնելու համար:

«Իզվեսթիա» կ'երբակացնէ. «Ճիշդ է որ Խորհրդային Միութեան միասնականութիւնն ու փերեսթրոյքայի ճակատագիրը խնդրոյ առարկայ են եւ վտանգուած, բայց առաջին հերթին շրջանի ժողովուրդներուն ճակատադիրը աւելի վտանգուած է:

